



59523

Mag. St. Dr.

kat.komp.

*Tokarevi francouzské quæstio physica de causa
in communi.*

Biblioteka Jagiellońska



stdr0001740

IN NOMINE DOMINI, AMEN.

QVÆSTIO PHYSICA,



^{D E}
CAUSA IN COMMUNI.

^{S V B}

FELICISSIMIS AUSPICIIS,

Magnifici, Perillustri, & Adm: Reuerendi Domini,

D. M. SIMONIS
STANISLAI
MAKOWSKI,

S. Th: Doctoris & Professoris, Collegæ Majoris,
Ecclesiæ Colleg: S. FLORIANI Custodis,
Curati Nasiechouicēsis, Contubernij Hierosolymitani PROVISORIS,

S. R. M. SECRETARII,

Almæ Vniuersitatis Cracoviensis,

Generalis & Vigilantissimi

RECTORIS.

^A
M. FRANCISCO TOKARSKI,
Philosophiæ Doctore & Professore,

Pro Collegio Minori,

Publicè ad disputandum,

In Peraugusto DD. Theologorum Lectorio,

PROPOSITA.

Anno Domini, 1681. Mense Nouembri, Die 15. Horâ 14.

GRACOVIAE, TYPIS VNIVERSITATIS.

QVÆSTIO PHYSICA, De Causa in Comuni.

V Causa, quæ est id, ad cuius esse
• sequitur aliud; realiter distincta
à suo Effectu: quo prior & perfectior
est; rectè & vniuocè in quatuor Cau-
sarum Genera diuidatur; nec ne?

CONCLUSIO I.

Causa est id, ad cuius esse, sequitur aliud.

COROLLARIA.

- I. *Licet omnis Causa possit habere rationem Principij, non tamen omne Principium potest esse Causa.*
- II. *Ly Esse, intelligitur vel Reale, vt est Causa Materialis, Formalis & Efficientis: vel Intentionale, vt est Causa Finalis.*
- III. *Non tantum influxus Causæ, sed & dependentia Effectus, exigitur ad rationem Causæ.*
- IV. *Consecutio hæc, quæ exprimitur per ly Sequitur, non debet intelligi Logica, sed Physica.*
- V. *Ly Aliud, & ly Alius differunt inter se: & Approximatio nec est Causa, nec Causalitas, sed tantum Conditio ad Causandum requisita.*

CONCLUSIO II.

Causa realiter distinguitur à suo Effectu.

COROL.

C O R O L L A R I A.

- I. *Potest diuinitus, & per potentiam obedientialem, idem Effectus esse sui ipsius Causa: non quidem quoad primo; sed quoad secundo esse.*
- II. *Distinctio realis Causæ ab Effectu, etiam secundum ipsum influxum ejus realem, dignosci potest.*
- III. *Licet Causæ quædam non sint separabiles à suo Effectu, non obest tamen quominus distinguantur realiter ab eo.*
- IV. *Perfectio major, ut est in Aiquinocis, æqualis verò in Uniuocis, potest esse fundamentum Majoris vel Minoris distinctionis Causæ à suo Effectu.*
- V. *Causalitas Physica tendit ad Entitatem Physicam, ut est à parte rei; & non secundum considerationem Metaphysicam, quam habet ad intellectum.*

C O N C L U S I O III.

Causa est prior suo Effectu, non tempore, sed Naturâ, & perfectior illo secundum Quid.

C O R O L L A R I A.

- I. *Prioritas hæc Causæ, ut est in actu Secundo, non est prioritas in Quo sed à Quo.*
- II. *Causa & Effectus, sumpta formaliter, id est, per respectum Vnius ad aliud, nullam habent prioritatem.*
- III. *Etiam ex parte ipsarum Causarum, ad constitutionem Compositi concurrentium, datur prioritas & posterioritas.*
- IV. *Simpliciter seu in Esse Entis loquendo, Causæ Intrinsecæ sunt imperfectiores suo Effectu; Causæ verò Extrinsecæ, aliquando sunt perfectiores, aliquando æquæ perfectæ, & aliquando imperfectiores.*
- V. *Effectus tamen comparatus cum suis Causis Intrinsecis, simul sumptis, est omnino æqualis perfectionis cum illis.*

CONCLUSIO IV.

Causa rectè & Univocè dividitur in quatuor Causarum Genera, id est, in Causam Materialem Formalem, Efficientem, & Finale.

COROLLARIA.

- I. *Predicta Causarum Genera, habent inter se quoddam & strictum Vinculum.*
- II. *Causa Formalis cum Finali; Materialis cum Efficiente sæpè coincidunt, si sumantur Entitative seu Materialiter; non tamen si Formaliter.*
- III. *Idea quoque seu Exemplar, est verè Causa, pertinens proprie ad Genus Causæ Formalis Extrinsecæ; improprie verò ad Genus Causæ Efficientis & Finalis.*
- IV. *Idem, secundum diversas rationes, potest esse & Causa & Effectus.*
- V. *Ratio Causæ, intimè clauditur in predictis Generibus quoad rationem Entis, non tamen quoad rationem Causandi.*

Quæ omnia Supremæ & Æternæ Causæ DEO Glorioso, Intemeratæ VIRGINI MATRI: DIVO Patriarchæ IOANNI CANTIO, toti quæ Curia Cœlesti, in Laudem Honorem & perpetuum cedant Cultum.



Permissu Magnifici D. Rectoris.



